

ընդունայն լինէր վաստակ և աշխատութիւն նորին վասն բարեկարգութեան տեղւոյն եւ կալուածոց Աթոռոյն, եւ չէր դիւրին ազատիլ 'ի ձեռաց պարտատեարց, և գալուստ նորին չէր ինչ օգուտ Աթոռոյն, գիտելով զբարս հնագունից. զի եթէ Պօղոս տկարանայր 'ի նուաճել եւ 'ի բարեկարգութիւն ածել զնոսա, և սլառճառանօք ելանել խորհէր յԱթոռոյն, ուր մնայր նմա, որ ըստ ամենայնի արհամարեալ էր յաջս նոցա և վատթար քան զամենեսին Քաղաքացի անուամբ, թող զի Եղիա եպիսկոպոս որ եկեալ էր յԱթոռն ըստ գրութեան Պօղոսի, չի թողոյր ումեք ձեռնամուխ լինել զործոց Աթոռոյն: Ուստի աղաչանօք թախանձէր զՋաքարիա մտերիմ իւր չխորհիլ զայսպիսիս և չստիպել գնալ յԱթոռն, եթէ իբրեւ հասարակ միաբան և անգործ ծերունի, յօժարութեամբ յանձն առնու երթալ յերուսաղէմ և լինել 'ի կարգս աղօթաւորաց: Ի վերջոյ առանձին թղթով աղաչէ զնա չթախանձել զինքն գործով իւրք գնալ յԱթոռն, և արկանել 'ի ներքոյ անտանելի լծոյ, առաւել քան զկարողութիւն իւր, գուցէ զանհնազանդութեան անուն ժառանգեալ իսպառ 'ի բաց կացցէ 'ի միաբանութենէ, և այլ սոցին նման բանք: Այս ամենայն միտք եւ գրուածք ծանօթ էին Պօղոսի, բայց սիրով ընկալաւ զԵղիա, զի հանդարտութեամբ վարէր, և կարգեաց զնա նուիրակ Զմիւռնիոյ վիճակին, եւ սլատրաստէր ելանել 'ի ճանապարհ. զի եթէ ասէ այսու եղանակաւ վարի Եղիա, բարի է, իսկ եթէ փոխեալ զբարս իւր մարտիւ վարեսցի, յայնժամ հարկ լինի հակառակօքն դիմադիր լինել նմա:

Ասասցուք և վասն պարտուցն, թէ զինչ արար Պօղոս եպիսկոպոս զինի գալստեան իւրոյ յԱթոռն. զառաջին բաժինս պարտուց վճարեաց Պօղոս բազում նեղութեամբ և տառապանօք.

148,321 Դահեկան բաժնիւ (թագսիտ):

248,257 Առանց բաժնի զի բռնաւորք էին:

108,315 » Փոխանակագրով վճարեալ 'ի կոստանդինուպօլիս:

504,893 Այս է առաջին բաժինն՝ և վասն երկրորդին վարանէր միշտ Պօղոս 'ի միտս իւր, թէ ո՞րպիսի եղանակաւ 'ի գլուխ տարցէ զայն. զի առ նուազն 600 քսակ արծաթոյ սէտս ունէր, և ինքն դատարկացեալ էր 'ի դը-